



**KERAJAAN MALAYSIA**



**LPKP**

**PEKELILING LEMBAGA PELESENAN  
KENDERAAN PERDAGANGAN  
BIL. 6 TAHUN 2009**

---

**SYARAT KHAS PADA LESEN PEMBAWA 'A' BAGI LORI *LOW LOADER***

**LEMBAGA PELESENAN KENDERAAN PERDAGANGAN  
SEMENANJUNG MALAYSIA**

**TARIKH: 28 MEI 2009**

## **PEKELILING LEMBAGA PELESENAN KENDERAAN PERDAGANGAN BIL.6 TAHUN 2009**

Semua LPKP Wilayah, Semenanjung Malaysia  
LPKP Sabah  
LPKP Sarawak

### **SYARAT KHAS PADA LESEN PEMBAWA 'A' BAGI LORI *LOW LOADER***

#### **TUJUAN**

1. Pekeliling ini bertujuan untuk memaklumkan syarat khas yang perlu dinyatakan pada lesen Pembawa 'A' bagi kenderaan **lori *Low Loader***.

#### **PERKARA-PERKARA YANG HENDAK DIMAKLUMKAN**

2. Jabatan Pengangkutan Jalan memaklumkan akan tindakan yang akan diambil ke atas kesalahan menggunakan kenderaan barangan untuk membawa barang-barang yang tidak sesuai sepertimana yang diperuntukkan dalam Kaedah 93, Kaedah-Kaedah Kenderaan Bermotor (Pembinaan dan Kegunaan) 1959.
3. Arahan yang dikeluarkan oleh Jabatan Pengangkutan Jalan menyatakan kenderaan jenis *Low Loader* yang dilesenkan di bawah kelas lesen Pembawa 'A' hanya sesuai membawa barang-barang seperti jentera dan barang-barang yang tidak boleh dipecah bahagi sahaja sebaliknya barang-barang yang tidak sesuai seperti simen, kayu gergaji dan lain-lain barang yang boleh dipecah bahagi adalah tidak dibenarkan.
4. Manakala mana-mana kenderaan barangan jenis *Low Loader* yang membawa gelung besi hendaklah terlebih dahulu mendapat kebenaran daripada Ketua Pengarah Jabatan Pengangkutan Jalan sebagaimana yang

diperuntukkan di bawah kaedah 138 (1) Kaedah-Kaedah Kenderaan Bermotor (Pembinaan dan Kegunaan) 1959.

5. Mesyuarat Lembaga Pelesenan Kenderaan Perdagangan Bil. 13 Tahun 2009 bertarikh 22 Mei 2009 telah memutuskan supaya lori *Low Loader* tidak dibenarkan membawa barang-barang yang tidak sesuai seperti simen, kayu gergaji dan lain-lain barang yang boleh dipecah bahagi kecuali mendapat kebenaran daripada Ketua Pengarah Jabatan Pengangkutan Jalan dan perkara ini hendaklah dinyatakan pada syarat khas di lesen LPKP.

### **PEMAKAIAN**

6. Semua pejabat LPKP Wilayah, Sabah dan Sarawak dikehendaki menyatakan dalam **syarat khas pada lesen** bahawa **kenderaan lori *Low Loader* dibenarkan membawa mesin, jentera berat dan lain-lain barang yang diluluskan oleh Jabatan Pengangkutan Jalan sahaja.**

7. Peraturan ini tidak termasuk kenderaan selain dari lori *Low Loader* bagi kelas lesen Pembawa 'A' dan Pembawa 'C'.

### **TARIKH KUATKUASA**

8. Pekeliling ini berkuatkuasa mulai tarikh dikeluarkan.

**"BERKHIDMAT UNTUK NEGARA"**



**(DATIN NAIMAH BINTI RAMLI)**

Pengarah  
Lembaga Pelesenan Kenderaan Perdagangan  
Semenanjung Malaysia

**28 MEI 2009**